



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Vniuersales sacrae scripturae resolutiones illustrationesq[ue] factae sunt
per patres & concilia. caput XLI.

urn:nbn:de:hbz:466:1-30114

Iob. 10.

stringuntur, & captiui ab hostibus tenentur ad eorum uoluntatem: Adducuntur in regnum diaboli, ubi nullus ordo, sed umbra mortis & sempiternus horror inhabitat.

Vniuersales sacrae scripturae resolutiones illustrationesque, factae sunt per patres & concilia. caput XLI.

A **Q**uis obsecro, omnes leges, sententias & conclusiones enumerare potest, aut scribendo in ordinem redigere, quae pullulant fluunt & resolui possunt ex illo dicto Christi: Quaecumque uultis ut faciant uobis homines, & vos facite illis. Item, facite dignos fructus poenitentiae. Et ex illa, Luceat lux uestra coram hominibus, &c. Item: Contendite intrare per angustam portam. Item: imitatores Dei estote, sunt filij Charissimi, & ambulate in dilectione. Item: Quaecumque sunt uera, quaecumque pudica, quaecumque iusta, quaecumque sancta, quaecumque amabilia, quaecumque bonae famae, si qua uirtus, si qua laus disciplinae, haec cogitate, quae & didicistis, & accepistis, & audistis, & uidistis in me. Et reuera imitatores Apostoli esse debemus: quia semetipsum formam nobis dedit, ad se imitandum. Item, Nemini date ullam offensionem. Et ab omni specie mala, abstinete uos. Placeat omnibus in bono ad aedificationem. Quae pacis sunt sectemini: Et id genus sententias multas nimis in sacris literis legimus, quas dum legum conditores, & sacrae scripturae expositores in casibus particularibus qui quotidie occurrunt, resoluunt & illustrant certe totus mundus non posset capere libros complectentes leges, sanctiones, ordinationes, statuta & regulas quae scribendi forent. Impie, falso, mendaciter, & diabolico modo & malicia, arguunt, danant, sugillant patrum regulas, statuta ecclesiae decreta, & id genus alia, cum nihil aliud sint, quam nucleus scripturae, uia regia & arcta quae ducit ad uitam. Sed cum ipsi mali sint, desperati, in reprobum sensum

Matt. 7.

Luc. 6.

Matt. 3.

Matt. 5.

Matt. 7.

Eph. 5.

Phil. 4.

2. Thes. 3.

2. Cor. 6.

1. Thes. 5.

1. Cor. 10.

Rom. 14.

Ioan. 21.

Mat. 7.

fenfum dati, & opera eorum mala, ideo lucem odiunt, diligunt malū, & odio habēt bonū, vt dicit propheta. Ex abundantia cordis sui mali, mala ista verba eructant: Quid autē ad nos istius spurij Goliad exprobrationes, vel istius Rapaces blasphemix? Simus cordati fient qui non audiunt, & nō habēt in ore suo redargutiones: Laus Deo, qui exprobratorem illum & blasphemum prostrauit, spiritu oris sui occidit, caput eius amputauit, os eius iniqua loquentis obstruxit. Sic omnis iniquitas opilet os suū. Sic laqueus contritus est, & nos liberati sumus. Sed & mater ecclesia, per sponsum suū Christum, de manibus inimicorum suorum est vindicata.

Ecclesia Dei nonnunquam aliqua externa variat.

Caput XLII.

ET si ecclesia Dei nonnunquam variat vel immutat ritus, quosdā & ordinationes, non hoc auctoritatem eius labefactat, nec probro ei dari debet, aut vitio. Nam in hoc Deū imitatur: qui omnia veteris testamenti sacramēta, oēs item cæremonias, quando venit tēporis plenitudo, in quo deus filiū suū misit in terris, qui legē, impleuit, abrogauit & meliora, perfectiora, ac viciniora saluti instituit, vt Apostolus stolus in fide & veritate erudiens nos, irrefragabiliter probat ad Gal. Philip. Collos. & Hebreos. Sic spiritus sanctus qui manet in ecclesia in æternū, & omnē in ea veritatē docet, eamq; regit, multa pro vtilitate, necessitate & exigentia temporis, locorum, caularum, personarumq; alterat, mutat, ordinat præcipit & prohibet.

Sic apud patres in priori testamento, in quadraginta annis nullus circūcisionem accepit in deserto, quā sub æternæ damnationis tamen & vitæ interminatione, Deus accipiendam præceperat infantis die octauo. Nemini offerre licuit, nisi in loco isto vbi erat arca Dei. Alibi nihilominus

K Samuel